



## Publicaziuns officialas dils 10-01-2020

---

### Damonda da baghegiar

Nr. 01/2020

Datum da publicaziun: 10-01-2020

Patrun: Duff Marcus, 7176 Cumpadials

Representant: biro d'inschignier Deplazes, 7173 Surrein

Liug e parcellas: Laus; 6628

Object: engrondaziun dalla platta da grascha ed adattaziun dil nuegl

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 10-01-2020

*Cumissiun da baghegiar*

### Affittaziun tegias d'alp

Conform agl art. 29 alinea 4 dalla lescha davart beins e dretgs immobiliars, lai la vischnaunca da Sumvitg vi las suandontas tegias per ina nova perioda da quendis onns ch'entscheiva culs 01-05-2020 e cuozza entochen ils 30-04-2035:

- Tegia nova Alp Carpet Miez
- Tegia Crap Ner
- Tegia Alp Cugn Sut
- Tegia Fecler Pign
- Tegia Alp Gargialetsch Davon
- Tegia Glivers Dadens Su
- Tegia Glivers Dado Sut
- Truaisch Alp Naustgel
- Tegia Alp Rentiert Dadens
- Tegia Alp Rentiert Davon
- Stalla Alp Vallesa Sut, stanza su
- Stalla Alp Vallesa Sut, stanza sut
- Tegia Alp da cauras Val Tenigia

Interessents veglien inoltrar lur annunzia cul formular official a scret entochen sil pli tard ils 31-01-2020 cun posta A (bul postal) ni dar giu sin canzlia communal.

La gliesta cun la indicaziun dil tscheins, il fegl d'informaziun cun tuttas indicaziuns pertuccont la procedura e las cundiziuns d'affittaziun sco era il formular d'annunzia official san vegnir retratgs sin canzlia communal. Ulteriuras informaziuns davart la procedura ein publicadas sin la pagina d'internet [www.sumvitg.ch](http://www.sumvitg.ch).

Sumvitg, 10-01-2020

*Suprastonza communal*

### **Protocol dalla radunonza communal dils 19-12-2019**

Naven dils 10-01-2020 ei il protocol dalla radunonza communal dils 19-12-2019 exponius public en scaffa avon la canzlia communal e sin la pagina d'internet [www.sumvitg.ch](http://www.sumvitg.ch) duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Ils cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnauncas dil cantun Grischun vegnir inoltradas duront quei temps d'exposiziun tier la suprastonza communal.

Duront il medem temps ei il preventiv 2020 ch'ei vegnius approbaus dalla radunonza communal dils 19-12-2019 publicaus sin la pagina d'internet. Il preventiv sa era vegnir retratgs dalla canzlia communal.

Sumvitg, 10-01-2020

*Administraziun communal*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 10-01-2020

*Departament stradal*

### **Corporaziun d'alps Sumvitg**

La radunonza dils purs da nuorsas ha liug **mardis, ils 28 da schaner 2020** allas 20.00 ell'ustria «Greina» a Rabius. La radunonza generala ha liug **gievgia, ils 30 da schaner 2020** allas 20.00 ell'ustria «Cruna», Sumvitg.

*La suprastonza*